



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

7. Scripturas vehementer vrgere punitionem magorum.

urn:nbn:de:hbz:466:1-45701

zelum iniicere debet, quod & communitati vtile sit, remoueri ex ea homines veneficos, impios, perniciosos, qui illud horrendum sacramentum Orco dixerunt, quod velint ad nocendum hominibus & pecoribus semper esse intenti & vigilantes; quiq; non solum propria malitia, sed etiam damnati spiritûs suggestionem, mandatis, verberibus & plagis aguntur, ad alios in idem flagitium pelliciendos; ad ciendas tempestates; ad grandines & fulmina elicienda; ad segetes inficiendas; ad infantes effodiendos; ad impediendum matrimonij vsum; ad procurandos abortus; ad omnis generis morbos mortêsq; equis & vaccis, hominibus & bestiis procurandas; ad infandas libidines exercendas; ad ignominias maximas hostiæ sacræ, Christo, Diuis omnibus inferendas. Denique nullum est malum, quod ab his non perpetretur. Deum ipsum abjurant, eiusq; loco spiritum immundiissimum pro Deo suo colunt, adorant, venerantur. Herodes, eos, qui illum obscuris natalibus oriundum dixerunt, iussit necari. Reges, & Imperatores, si quispiam vel verbulo eorum lædat maiestatem, quàm retinentes sunt suæ authoritatis? quàm accuratè jubent testes audiri, & colligi documenta? quæ si habeantur, parata sunt supplicia, stant cruces, expectat gladius, patent exilia, & prompti sunt omnes ad puniendum ministri; at verò, si Proserpina, si Hecate, si in vota vocatur, crudelissimus humani generis inimicus, si procumbitur ante fallacissimum promissorem, & mendacij patrem, dicentem: *Hæc Matth. 4. 9. omnia tibi dabo, si cadens adoraueris me*; si Plutoni Stygio sacrificia offeruntur; si diabolus in æternæ maiestatis throno collocatur; nemo est, qui vindicet, nemo qui illatam Numini injuriam puniat. Pauperculo, & fame presso, si furetur, certa est furca, laqueum non euadit; at venefico impune est, si colonis menses ex agro, vicinis pecora è stabulo, amicissimis quibusque sanitatem & vitam, Deo ipsi honorem & gloriam furetur.

Matth. 4. 9.

VII.

Hæc crimina aliqui molli brachio persequuntur; aliqui tamquam occulta censent negligenda; nonnulli etiam putant, ob pericula innocentibus impendentia, puniri non posse. Neque enim desunt sagarum aduocati, vel quia coniugibus suis & cognatis metuunt; vel quia suammet causam agunt, rogumq; ipsi

Qqqq 2

ipsi

ipsi timent, si proximus ardeat Vcalegon. Hi, quoniam crimen ipsum palam defendere non possunt, nec audent, tortis legum interpretationibus, intricatis processuum difficultatibus, imperitorum quorundam iudicum erroribus, maleficos ita muniunt, ut eos aggredi, quaestioni subijcere, aut damnare non audeant, Zelosi alias, & iustitiae amantes magistratus. Audiant hi, quid Franconiae dux erga ephebum; erga tam charum ephebum, erga tantae nobilitatis ultimam stirpem decreuerit; audiant, & imi-

Deuter, 18. 9. tentur. Audiant ipsam diuinam legem Israelitis datam: Quando ingressus fueris Terram, quam Dominus DEVS tuus dabit tibi, caue ne imitari velis abominationes illarum gentium: nec inueniatur in te, qui lustrat filium suum, aut filiam ducens per ignem: aut qui ariolos sciscitetur, & obseruet somnia atque auguria, nec sit maleficus, nec incantator, nec qui pythones consulat, nec diuinos, aut quarat à mortuis veritatem. Omnia enim hac abominatur Dominus, & propter huiusmodi scelera delebit eos in introitu tuo. Perfectus eris, & absque macula cum Domino DEO tuo. Gentes istae, quarum possidebis terram, augures & diuinos audiunt: tu autem à Domino DEO tuo aliter institutus es. Vbi serio expendendum est, quod dicitur: Et propter istiusmodi scelera delebit eos in introitu tuo. Ecce quot gentes deletae sunt, propter eos, qui daemonibus seruierunt. Quod ipsis

4. Reg. 17. 16. quoque Israelitis euenit, quando dereliquerunt omnia praecepta Domini DEI sui: feceruntque sibi conflatiles duos vitulos, & lucos, & adorauerunt uniuersam militiam caeli: seruieruntque Baal, & consecrauerunt filios suos, & filias suas per ignem: & diuinationibus inserebant, & augurijs: & tradiderunt se, ut facerent malum coram Domino, ut irritarent eam. Iratusque est Dominus vehementer Israel, & abstulit eos à conspectu suo, & non remansit nisi tribus Iuda tantummodo. Sed nec ipse Iuda custodiuit mandata Domini DEI sui: verum ambulauit in erroribus Israel, quos operatus fuerat. Ita serpit hoc malum, contagio quodam. Propagata est autem cum peccato etiam poena peccati. Quid postea acciderit Manassae,

4. Reg. 23. 11. recenset sacer codex in hunc modum. Quia fecit Manasses rex Iuda abominationes istas pessimas, super omnia, quae fecerunt Amor- rhai ante eum, & peccare fecit etiam Iudam in immunditijs suis: propterea hac dicit Dominus DEVS Israel: Ecce ego inducam mala super

super Ierusalem, & Iudam: ut quicumque audierit, tinniant amba aures eius. Et extendam super Ierusalem funiculum Samaria, & pondus domus Achab: & delebo Ierusalem, sicut deleri solent tabula: & delens vertam, & ducam crebrius stylum super faciem eius. Quid mirum, si, ob eadem scelera, nunc quoque eadem supplicia decernantur? Eant igitur, qui ad clauum sedent, & mala hæc publica vel patiantur, vel tollant; ut valeat apud eos lex illa: *Vir, Leuit. 20. 27. sue mulier, in quibus pythonicus, vel diuinationis fuerit spiritus, morte moriantur.*

Hæc idcirco exaggeratiùs fuerunt explicanda, quia inter grauißimas tentationes hæc non est minima, quæ ipsos Magistratus, ipsos Principes pulsat, ut cum sceleratissima hominum sæce conniuentiùs agant, vel quia desunt ministri; vel quia sumptibus parcunt (qui tamen ex fisco possent haberi plerumq;) vel quia difficultate terrentur exequendi. Est enim difficile negotium agere cum veneficis, & eorum magistris diabolis. Quosdam propria conscientia absterret; timent enim vel sibi, vel suis. Et quàm pauci sunt in magistratu, qui de hac iustitia à se omiſsa poenitentiam agant; immò, qui hanc iniquitatem suam confiteantur? Atque hæc est prima classis eorum, qui sine poenitentia moriuntur; quia enim plurimi putant, liberum sibi esse, vel punire, vel conniuere, neque peccatum quidem censent esse, officij sui neglectum, si magos & sagas relinquant impunitos. Pauperuli fures, quos inopia & fames ad clependum adegit, collo luunt, quod manu peccauerunt, cogunturque ipsi fieri longi, si longos digitos habuerunt: & isti grandinum, tempestatumque coactores, isti tot homicidiorum & sacrilegiorum patratores, si ne poena sinantur in homines & pecudes grassari? Quis non videat, eorum esse fautores, socios, & cooperatores, quorum officium esset, eos è medio tollere? Quando autem hoc peccatum agnoscunt? quando confitentur? Dissimulat quidem hoc Davs, dum viuunt, & expectat, donec ad illius tribunal ipsi Iudices veniant. Vnde ait: *Cum accepero tempus, ego iustitias iudicabo. Psal. 74. 3.* Altera classis eorum, qui sapius sine poenitentia hinc emigrant, est ipsorum venficorum. Tameñ enim nec dici debeat, nec credi, magos & magas numquam poenitentiam agere, cum de S.

VIII.

Qq 99 3

Cypria-